

叢書

中國方志

地華
方北

519

省北河

南宮縣志

三



中國方志叢書 · 華北地方 · 第五一九號

據

民國 · 黃容惠修，賈恩紱纂
民國二十五年刊本

影印

河北省

南宮縣志

(三)

成文出版社有限公司印行

中華民國六十五年 月臺一版

南宮縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

南宮縣志卷二十三目錄

石刻篇上

共五十四篇

隋定覺寺爲宋令勅建僧尼二寺碑記 隋 失名

普明院碑

金 希 選

昭惠靈顯真人廟記

呂仲孚

重修昭惠明靈王廟記

元 張 玘

輕車都尉追封清和郡侯張公墓碑銘

柳 貫

扁鵲廟記

康繼禮

誥封資政大夫工部尙書白公神道碑 明 陳文選

誥封工部尙書白公墓銘 劉定之

誥贈郭夫人墓銘 彭 時

誥封何夫人墓銘

商輅

舊城儒學記

商輅

白恭敏公墓銘

商輅

誥封孟夫人墓銘

劉健

白恭敏公神道碑銘

劉吉

劉侯祠堂記

白鉞

觀音堂記

白鉞

重修懸空寺碑記

鄒祥

重創廟學記

高德晉

義勇武安王廟碑記

白杲

盧氏義豐鄉記

張智

復修東城樓記

盧鳳

白文裕公墓銘

李東陽

盧氏正祀祠碑記

邵寶

增修關王廟門牆記

石珪

泰興寺重修殿宇記

盧鳳

真樂翁劉公墓碑記

李夢陽

重修城隍廟記

谷繼宗

泰興寺金上人浮圖記

山谷閑人

重修城隍廟記

劉濂

預備倉記

劉汀

義塚記

劉汀

紫微書院記

劉濂

學田記

尹宇

葉公德政記

蔡璽

葉公去思祠碑記

失名

題名記

劉濂

歲貢題名碑記

劉濂

建學倉記

尹宇

邑令胡公去思碑

劉汀

光武廟記

劉錫

科第題名記

王中孚

南宮縣學藏書記

邢侗

濟南邢公去思碑記

陳與郊

南宮范侯去思碑記

陳懿典

重修南宮尊經閣碑記

趙南星

誥贈韓大司寇墓銘

李標

問卿李公墓銘

郭士吉

西川張公配杜氏合葬墓銘

王崇簡

琉璃廟記

韓策

邑侯汝南黃公實政碑記

賈多男

封君李吉庵暨配任孺人墓銘

郭士吉

同卿李公繼配張安人墓銘

陳之遴

邑侯周公建磚城碑記

王標極

卷二十二 金

白氏族譜記

張庚

南宮縣志卷二十三

鹽山賈恩紱編輯

掌故志

石刻篇上

隋迄明

南宮五志向不列金石之目皆雜廁於建置學校及藝文之中藝文附志非漏則濫久爲識者所譏勿論已金石一門不惟闕一方掌故而政典巨目鄉賢故實志傳所不及者往往藉書而傳且以石刻爲限自免漏濫之譏若無此門誠缺典也茲特輯錄爲一篇惟有石無金徇俗標目則名實不副以石刻名篇用避習而弗察之譏焉

按光緒志北關王皇廟乾隆六十年皇華館七村鑄大鐘重三

百斤景州進士解元燿爲之銘爲此碑
僅見之金文而銘文不傳附志于此

隋定覺寺爲宋令勅建僧尼二寺碑記

昔夫老子作上下之經纔表清虛之妙莊生著內外之義且
論出世之高無申業報之言豈暢因緣之旨眷言大道未爲
盡得是知神理微密真趣幽玄心期之侶起惑興障若非達
聖膺運至德降靈孰能敷化大千到於彼岸暨光通漢夢炭
驗昆明法輪西闡像教東被自爾迄今將千歲矣雖神功妙
迹迥出天人應物隨方多真度脫於是玄風遂扇緇徒更繁
或廢或興隨時出沒良由心途所隔業緣致壅故耳我大隋
應千齡之會處五運之期無爲合道先天協命皇帝統曆乘
天欽明御宇秉金輪以治世懸玉鏡而照臨聲逸萬古澤被

邈外好生惡煞泣辜解網輕茲小道慕彼大乘欲歸一諦會
由三寶乃詔州縣各立僧尼二寺襲聖軌之將頽繼金言之
覓缺使君建安公衣冠水鏡縉紳楷模入朝見美出牧稱賢
含柔履順率由成則德流異部聲播殊方念法界以歸依宏
慈善以訓物申命勲至不捨斯須縣令西河宋景輔國將軍
內散復州別駕治兵吏宜昌竟陵二郡守口口都督允文允
武所在稱奇製錦一同絃歌千室志懷清慎恒若履冰能官
之美今古獨絕深悟非常情存釋典聽訟之暇無忘福田丞
大梁齊相尉博陵張服河間張樹並以明哲來贊專城清勤
自處譽宣鄰邑俱伸迴向之心共忻眞淨之路心意精實不
行自遠仰依明勅府廨宿誠乃於形勝之所崇構尼寺縣官

七職爰及鄉正之徒感斯福德忻然營助寺主道辦等覺法
細上坐智最緩稱等咸以式操端嚴音儀匪式煩慙已棄業
行聿修相與經始不日而就爾其勢極宏麗地惟爽塏房廡
深重長廊交映連薨雲合比屋霞舒寶鐸迎風雕梁照日至
於莊嚴口殿飾畫丹青相好非常光明特絕舊尼宿德深觀
律藏莫不負錫來遊有懷樂土竊惟靈應微遠無迹可尋但
理口口口言由事發故探蹟索隱更顯法於將來幽贊神明
亦了達於未悟然則立德之美從茲而見著述之善其在口
口今盛業旣彰大功克構而微猷莫紀非所以曉示來葉者
也是以敬勒他山式遵前學庶使無上功德與山口口共傳
其詞曰邀聽前修曾聞莊老可名非名可道非道道遙爲貴

齊物爲寶緣報不申理尙未好遙哉上覺曠矣神功四禪無
象三界畢空道非迹應事以感通無因達聖何以開蒙於惟
我皇自天攸縱九有懷德八方咸統治尙口口民隨日用淳
風既邈式歌且誦功參佐命來牧藩惟秉茲德實是導是綏
民知禮讓俗尙謙撝過則稱已功必相推實爲良宰撥煩理
口既經德化風移俗易仁不獨善贊輔斯益共保令名嘉命
可適爰有明詔詰彼四方玄風更闢遺教重昌同口口德上
下紀綱御遠仍建迥利高驥物愛雕修人榮寶飾畫堂皎皎
華懷翼翼名德卜居宴坐心息歸依一諦口口口溫溫哲
人穆穆明后作我橋梁宏茲善誘有緣必應言立不朽敬勒
斯銘天長地久開皇十一年辛亥撰書人名俱佚

按南宮碑刻以此爲最古邢氏侗稱爲三妙者邢本善書
於南宮碑刻皆有贊揚之語詳萬厯志隋代之縣令丞尉
數名載在職官篇者卽据此碑也

普明院碑

金大定十八年比丘希選撰住持苾芻文行立石

夫八龍荀里口口口於當年驅馬于門餘慶積於終古亦有
漢將軍之甲第磨滅成空魯司寇之華堂摧殘已盡豈不以
絕露倏忽電燭遷移者矣爰自大聖周昭二十四年甲寅歲
從兜率下駕白象日輪誕生於王家乃威德無格於上下神
祇至是鬼宿合時於毘盧園無憂樹下右鵬而生暨後漢永
平千載有餘德教方發此地僧徒滋盛始建伽藍後漸陵遲

屢遭淪廢遂乃玄風墜謝道德醇醪如觸石生于腐寸射鮒
負于餘艘力怯未能加矣粵有河北東路河間府冀州南宮
縣將相鄉北天宮村賢鄔口索口口口損言著俗信清休誠
口釋門用之植福口古窮源再重營建口以口口口現業淨
感深信同殊各實賴北口口有口口口塔一座始開皇石像
三尊已經塗炭於左臂內有弧口口鑿在口口口口大聖神
用身貫金石善入口口口迤山川解移城邑乘虛不墜觸實
不礙千變萬化不可容口縱使摧顛口口口口一千一時俱
下一毛不堅靡口口口口口口像亦聖何爲若夫形模捺口
口石雕鑄善信頗加必符其會是以契無爲之法性合有像
之仁心高德掩羣口口口口口口加彼若神故示此焉實由靈

變在口口口羣物惟心不變其可得禮之也心不在焉視之
不見聽之不聞食而不知其味等聖哉巍巍乎浩劫鴻勳口
口口之間耳神跡旣彰豈世辨之能通聖跡昭融寧俗達之
能了至信誠鑒目覩真容悽愴心焉故我皇之有天下也統
臨六合攝御萬邦道德並日月口施恩化口口大共秀祈禱
靈祐感育黔黎特賜院額乃號普明普乃無處不容明乃恆
時熠熠輝輝宇宙煥煥中華光我釋門壯其緇侶率有深信
豪傑進義校尉高璋并男高愿懇誠積善道契心靈發明惠
鑒特施黃輿用作僧園勝利纔興通仁唱善以爲輯莊嚴之
因口爽塏之地雖不逢給孤獨側布之園是爲千載之休美
也口長方分六畝有餘於內建正殿三間法師房二間門宇